

Sagar uzta oparoa izan zen

7 milioi kilo inguru bildu ziren lehenengo baliospenetan eta, dirudienez, kalitate onekoa



Bertako sagarrak beti ematen dio kalitate berezia sagardoari. Jon URBE | ARGAZKI PRESS

SAGAR-HARRA. «Harjoaren kontrako tratamendua egingo balitz sagastietan, urteroko uzta nabarmen handiagoa izango litzateke, eta 'veceria' fenomenoak -uzta oparoa izandako urte bati uzta eskaseko batek jarraitzea-, guztiz txikiagoa».

azkoa sagar urtea izan zela esan daiteke eta horrelaxe ikus zitekeen sagastietan, kostaldean aurkitzen zirenetan, batez ere; baina uzta ona izanda ere, nahiko urruti geratu zen 2008. urtean lortutakoaz.

Hala ere, 7 milioi kilo inguru bildu ziren lehenengo estimazioetan, eta dirudienez, kalitate onekoa orokorrean.

Azken uzta aurrekoa baino handiagoa izan da. Udaberrian fruituz mukuratu ziren sagasti gehienak, batez ere kostaldekoak, agian lehortearen eragina txikiagoa izan zelako itsasoaren hezeari esker, baina, batzuetan, aldiz, fruituen umotzea nahiko txarra izan zen. Hori zergatik? Badirudi maiatz hasieran

izandako ipar haizea eta tenperatura hotzengatik izan zela.

Barnealdeko sagasti askotan, beraz, sagar gutxi eta kalibre txikiak izan zen, eta kostaldean, berriz, sagasti batzuetan uzta izugarria ikus zitekeen: sagarrondo mota askotan -Urtibia eta Patzolu esaterako- adarrak hautsi egin ziren pisuaren pisuaz.

Sagarrak heldutasun puntu egokira iristen ari zela, abuztu bukaeran eta irail hasieran, sagar oroketa handia gertatu zen, arrazoi ugari tarteko. Alde bateatik, lehortegatik. Lehorte hori barnealdean kostaldean baino nabariago izan zen.

Bestetik, irail hasieran izandako galerna batengatik, kostaldean, noski, sagar dezente erori

zen. Baina arrazoi nagusia *carpocapsa* edo sagar-harraren eragina izan zen, beti bezala.

Arazo hori gero eta larriagoa da, har horren presentzia handia baita sagasti gehienetan, batez ere behar den tratamendua egiten ez denean.

TRATAMENDUAREN BEHARRA

Aitor Etxeandia, frutagintzan aholkulari eta sagarretan aditu den teknikariaren iritziz, «harjoaren kontrako tratamendurik egiten ez den sagastietan kalte-tutako fruituak %25etik %75era izan dira. Datu hau ematerakoan ez dira kontuan hartu harjoak lurrera bota dituen sagarrak».

Aldiz, feromona tranpei jarraituz (harraren aurka zabaldu-tako sistema), tratamenduak

egin diren sagastietan, fruitu kaltetuak ez dira %5etik pasa. Aipatu behar da, aurreko urterekin konparatuta, kalteen ehunekoa handiagoa izan dela.

«Tratamendua egingo balitz sagastietan urteroko uzta nabarmen handiagoa izango litzateke, eta 'veceria' fenomenoak -uzta oparoa izandako urte bati uzta eskaseko batek jarraitzea- guztiz txikiagoa», dio Aitorrek.

Sagarren heldutasun kontrola, urtero bezala, 37. astean (irailko bigarren astean) egin zuten eta egoera, orokorrean, 2009koaren antzekoa zen.

Hala ere, barietatez barietate begiratu gero, ezberdintasunak ikus zitekeen.

Denboraldi honetan sagar urtea izan da eta orokorrean kalitate handiko sagarra bildu zen. Bertako sagarrak beti ematen dio kalitate berezia sagardoari, batez ere bertan bildutako sagarra berehala edo ordu gutxiaren buruan zanpatzen delako dolorean eta segidan zukua gordetzen da kupeletan.

Horrez gain, jarraipen zuzena egitea errazagoa da eta jende askoren aburuz hori nabaritu egiten du produktuak.

KANPOKO FRUITU ASKO


Nahiz eta sagar urtea izan, kanpotik fruitu asko ekarri behar izan zuten sagardogileek, hemen ekoiztutakoa bezainbeste gutxienez. Datu horrek, argi eta garbi, agerian uzten du zein urruti gauden euskal sagardoa hemengo sagarrekin bakarrik ekoizteak, beraz, arlo horretan egiteko lan handia dago hurrengo urteetarako.

Hemengo sagar uztarekin eta kanpotik ekarritako sagarrekin lortu ziren zuku gehienak hiru hilabete inguru daramate jadanik kupeletan.

Denbora horretan prozesu ia guztiek aurrera egin dute, hots, hartidura prozesuak, alkoholi-ko zein malolaktikoa, amaitze daude eta sagardoak orokorrean dastatzeko prest daude.

EGi-LVZE

ERRETEGIA-SAGARDOTEGIA



Zamalbide Auzoa
Tel. (943) 52 39 05
ERRETERIA



EGUZKITZA

SAGARDOTEGIA



Usabal Auzoa
Tinoa. 943 67 26 13

Txotx garaia zabalik



TOLOSA